



REÇU

Par Christine Wirtgen , 15:06, 26/03/2021

Monsieur le Ministre
aux Relations avec le Parlement
p.a. Service Central de Législation
5, rue Plaetis
L-2338 LUXEMBOURG

Référence : 837x55d02

Luxembourg, le **25 MARS 2021**

Concerne : Question parlementaire n° 3723 du 26 février 2021 de Monsieur le Député Sven Clement concernant le marché public dans le cadre de la crise de la Covid-19

Monsieur le Ministre,

J'ai l'honneur de vous transmettre ci-joint la réponse commune à la question parlementaire sous rubrique.

Veuillez agréer, Monsieur le Ministre, l'expression de mes sentiments très distingués.

Le Ministre des Finances,

Pierre GRAMEGNA



Äntwert vum Finanzminister, Pierre Gramegna, a vun der Gesondheetsministesch, Paulette Lenert, op d'parlamentaresch Ufro N°3723 vum 26. Februar 2021 vum honorabelen Deputéierten Sven Clement iwwert den Marché public am Kontext vun der COVID-9 Krise

1. Wat waren Krittären, no deenen Regierung dës Entreprises ausgewielt huet? Duerch wéi eng Offer/Kompetenzen hunn Entreprises, déi gewielt goufen, iwwerzeegt?

A béide Projeten waren Krittären souwuel finanzieller Natur wéi och op d'Kompetenze bezunn.

Am Projet "Équipe coordination" war et fir de finanziellen Deel den Dagessaatz vu jeeeweils dem Coordinateur général, dem Coordinateur général adjoint, engem Coordinateur opérationnel, d'Käschten fir Iwwerstonnen a Feierdeeg, souwéi de Gesamt-Montant. Donieft ass d'Erfahrung vun de jeeeweilege Coordinateure bewäert ginn. Heibäi ass gekuckt ginn, wéi vill Joer Berufserfahrung des Persounen opweisen, a wéi enge Projeten se Erfahrung hunn, hir Ausbildung an och Sprooche Kenntnisser. E weidere Krittär war d'Verfügbarkeet ausserhalb vun de Bürosstonnen. D'Krittäre 5 bis 7 hu sech op d'Kompetenz vun der proposéierter Équipe konzentréiert, d'Gestioun vun engem grouse Projet, dem Asaz vu gëeegenten Outile, an op de Soumissionnaire de Projet realistesch aschätzt. D'Entreprise déi gewielt gouf war am Verglach mat 2 aneren Entreprises, déi ähnlech kompetent bewäert gi sinn däitlech manner deier.

Am Projet "Helpline vaccination" war et fir de finanziellen Deel d'Käschten fir Coordinateur général, Personal a Material-Käschten fir 3000 Telefonater pro Dag ze realiséieren, zousätzlech Käschten am Fall vun enger méi héijer Unzuel vun Uriff a Käschte fir e Rendezvous ze fixéieren oder ze änneren. Bei de Kompetenzen si 4 Punkte bewäert ginn, Erfahrung vum Coordinateur général, Sproochevillfalt vun der Équipe vun den Télé-Opérateuren, Propositionen vun engem "Journal des appels" an de Routage System fir d'Helplinen. Fir dës Projet gouf déi Entreprise gewielt déi bei der Kompetenz am beschten ofgeschnidden huet a gläichzäiteg de niddregste Präis ugebueden hat.

2. Wéi verdeelen sech Käschte vum Projet "Equipe coordination"? Wéi eng Tâchë goufe mat wéi vill Euro berechent, fir op eng Gesamtzomm vun 835'100 Euro htva ze kommen?

De Projet beleeft sech op insgesamt 38 Wochen an ass berechent ob 760 000€ HTVA. D'Differenz ass eng Provisioun déi mir ons ginn hunn fir Iwwerstonnen déi eventuell am Projet kënnen ufalen ze bezuelen. Vum Gesamtmontant falen 52% un fir de Coordinateur général a säin Adjoint, déi aner 48% si fir déi 3 Coordinateurs opérationnels. Wann d'Impfcampagne iwwert ee méi kuerzen Zäitraum leeft, an een da méi operationell Coordinateuren asetzt, ännert sech des Relatioun deementspreechend.

3. Wéi verdeelen sech d'Käschte vum Projet "Helpline vaccination"? Wéi eng Tâchë goufe mat wéi vill Euro berechent, fir op eng Gesamtzomm vu bal 9 Milliounen Euro fir eng Hotline ze kommen?

Bei der Helpline sinn fir Personal (en ce compris de Coordinateur général) a Material-Käschten 8 287 875 € HTVA berechent. Dobäi kënn dann d'Verschécken per Courier vun 100 000 Rendezvousen (208 000€ htva) fir Leit, wou d'Helpline Rendezvousen muss huelen. De Rescht vum Montant ass eng Provisioun, déi mir ons ginn hunn, fir suplementar Appeler ze bezuelen, déi iwwer 3000 Appeler/Dag an der Moyenne iwwer d'Woch ginn.